

## Hóan-séng

*Chēng-gî*

Kin-á-jit tī tô-su-kóan “**tà-kong** (打工)” ê sî-chūn, 2 ê gōa-kok-lâng thèh 1 pún phō-á lâi mñg góa bûn-tê. Phō-á téng-thâu siá..ê sī *English*, in chhùi--nih kóng..ê mā sī *English*, ná chhin-chhiū<sup>n</sup> chia (Tâi-ôan) tiòh sī in ê kok-ka kāng-khóan!

Sit-chāi siū<sup>n</sup> lóng bô, tōa-pō-hūn Tâi-ôan-lâng tùi gōa-kok-lâng, iû-kî sī tùi se-hng lâi..ê, bô-lûn sī siá<sup>n</sup>-mih sek..ê, chí-iàu sī pêh-sek..ê, kim-mor..ê, tiòh ná chhin-chhiū<sup>n</sup> khòa<sup>n</sup>-tiòh chû-lâng kāng-khóan, sûi tiòh chai-iá<sup>n</sup> ài iōng *English* kap in kóng-ðe! Phôe-hu sī pêh-sek ê lâng, i ê bû-gí kiám tiòh it-têng sī *English*? Kêng-ka khó-ðe..ê sī, chit-khóan gōa-kok-lâng mā tòng-chò in sī chû-lâng, mñ-kóan kàu tó-üi lóng mñ-khéng iōng tong-tê ê gí-giân lâi kóng-ðe.


Pát-lâng khòa<sup>n</sup> lán bô, Tâi-ôan-lâng sòa ôh in ê gí-giân, koh ôh kah beh khí-siáu, ôan-chôan bô hóan-séng chit-khóan bô pêng-téng ê tâi-chì!

Kau-liû sī hó..ê, mñ-kú khòa<sup>n</sup> ê khí ka-kî chòk-kûn bûn-hòa ê sim-thài, che chiah sī koh khah tiōng-iàu..ê!

Hi-bâng ū 1 kang, Tâi-ôan-lâng ê-sái kap Hoat-kok-lâng kāng-khóan, kâ beh iōng *English* kap lán kóng-ðe ê chû-tâi-chiá kóng, “Phái<sup>n</sup>-sè! Chhiá<sup>n</sup> lí iōng Tâi-gí!”

## Sin ê Sî-tâi Ùi chit-má Khai-sí

*Lím Tiōng-seng*



2001 nî 12 gòeh chhoe 1, lip-úi sóan-kí kiat-sok, Tâi-ôan jîn-bîn koh 1 pái iōng sóan-phiò kû-choat Tiong-kok ê khióng-hat. M-kóan án-chóá<sup>n</sup>, Tiong-kok só-ü ê thóng-chiàn ki-khá, í-keng lóng hō ū chhim-khek lèk-sú ì-sek ê (chit-chióng ì-sek mñ-sî chêng-sû siau-tháu, mā mñ-sî tì-sek hûn-chú-sek..ê.) Tâi-ôan jîn-bîn khòa<sup>n</sup>-phòa, jî-chhiá<sup>n</sup> koh kâ kek tò tñg--khì.

Ê-sái khak-têng..ê sī Tâi-ôan í-keng bô chiàn-cheng ê gûi-ki, sòa--löh--lái, sin ê lèk-sú jîm-bû tiòh lak tî lán ê keng-kah-thâu--lah. Lán tiòh-ài ùi lõe-chèng, kàu-iòk, bûn-hòa kok hong-bîn löh-chhiú, chìn-hêng chhim-khek ê pún-thór-hòa kang-têng.

Kám-siā thi<sup>n</sup>-kong-peh..a, lán chóng-sñg ū ki-höe ùi 400 nî hō lâng sit-bîn ê lûn-höe ün-miâ lâi-te tháu-pàng--chhut--lái. Kám-siā Tâi-ôan jîn-bîn; sui-jiân in bô chhiú<sup>n</sup> kî-tha kok-ka tòk-lip chiàn-cheng lâi-te, jîn-bîn ióng-kám ê piáu-hiän; mñ-kú ták-pái sóan-kí, in chóng--sî piáu-hiän chhut chin kôan ê chèng-tî tì-hüi.

Sin ê sî-tâi, ùi chit-má khai-sí!

(Siá tî 2001/12/01 Tâi-ôan tê 5 kài Lip-hoat Úi-ôan Sóan-kí í-âu)